

Sei Diuqfoux Ciengqgo Vehdat Bouxcuengh 《Byaraiz》 Nem Bienmoq Lizsij Heiqcuengh 《Fungz Swjcaiz》 Yaek Caeuq Bouxyawj Soujduh Raennaj

壮族岩画音乐舞蹈诗《花山》和新编历史壮剧《冯子材》将与首都观众见面

Bonjbauq siusik (gicej Cinz Yajnz) gaiq daihhaj daengx guek saujsu minzcuz vwnzyi comzyienj youz Guekgya Minzveij、Vwnzvabu、Guekgya Sinhvwnz Cuzbanj Gvangjden Cunggiz、Baekging Si Cwngfuj cawjbanh haenx yaek youq 8 nyied 18 hauh youq Baekging haimuq. 8 nyied 18 hauh daengz 9 nyied 14 hauh, yaek miz 35 aen daiqbiujduenz daj daengx guek gak dieg daeuj haenx daiq 43 daiz heiemoeg daengz Baekging, vih bekking soujduh yienj ngaizhoengh yisuz ndeiawj. Doenghij heiemoeg neix baugvat gofoux、heiqgofoux、heiq saujsu minzcuz caeuq heiq deihfueg Bouxgun daengj yisuz cungjloih, lij baugvat 《Byaraiz》 daengj ciengqgo diuqfoux loih heiemoeg 22 daiz, caemhcaiq Heiqcuengh 《Fungz Swjcaiz》 daengj heiemoeg heiqloih 21 daiz dem. Daengzseiz, 43 daiz heiemoeg neix yaek laebdaeb youq Baujli Heiqyienh、Minzcuz Heiqyienh、Denhgyauz Heiqciengz daengj 11 aen heiqciengz yienjok 86 ciengz.

20 hauh, sei diuqfoux ciengqgo vehdat Bouxcuengh 《Byaraiz》youz Guengjsae Yenji Cizdonz caeuq Guengjsae Gofoux Heiqyienh

cauxsij yienjok haenx yaek baez daih'it youq Baekging yienj, laebdaeb song haemh youq Baujli Heiqyienh yienjok, yisuz yienh'ok gij yinxdaeuz daegbied seiqgyaiq vwnzva yizcanj vehdat Byaraiz caeuq gij dungxaiz hungmbwk cojcoeng Bouxcuengh.

Ciuq cam rox, Guengjsae bauqsoengq heiemoeg 《Byaraiz》 caeuq 《Fungz Swjcaiz》 youq 2015 nienz 12 nyied ndaej shwngz camgya gaiq daihhaj daengx guek saujsu minzcuz vwnzyi comzyienj. Swcigh Dangveij、Cwngfuj gig yawjnaek hong gih raeuz camgya daengx guek saujsu minzcuz vwnzyi comzyienj, youq bineix 6 nyied gapbaenz aeu swcigh fucujisiz Vangz Siyungj guh donzcanj, Swcigh Minzveij cujyin Luz Yenbenj、Vwnzvadingh dinghcanj Vangz Yij、Sinhvwnz Cuzbanj Gvangjdengiz gizcanj Bungz Gangh guh fudonzcanj, bouxyienj daengz 300 lai boux. Seizneix gaeng guh ndei hong caepcawq. Bienmoq lizsij Heiqcuengh 《Fungz Swjcaiz》 yaek youq 9 nyied 9 daengz 10 hauh youq Baekging Cangzanh Heiqyienh yienjok, daiz heiq neix yaek youq baihlaeng laebdaeb guh bauqlwnh.



▲Gyoengq bouxyienj cingsaenz gvaekgvaek dwk lienh heiq.



▲ Mbawsiengq heiemoeg 《Byaraiz》.



▲ Bouxdaujyenj Heiqcuengh 《Fungz Swjcaiz》 vih gyoengq bouxyienj gangi heia.



▲Bouxyienj youq gwnz daiz baijyienj man fwngzguh.

Dasinh Yen Banh Hozdung Biujyienj Minzsuz Fungcingz Bouxcuengh

大新县举行壮族民俗风情表演活动

8 nyied 14 hauh, youq Dasinh Yen Dwzdenh Yinsienj Yinhyoz Vwnzva Gvangjcanz, doihiyenjheiq Mbanjbanjgya aen yienh neix cingq guh biujyienj minzsuz fungcingz Bouxcuengh, baijyienj saedceij fungsug ngoenznaengz caeuq dajndaem guh hong Bouxcuengh. Ngoenzhaenx, gofoux Bouxcuengh dangdieg vunzlai gag bien gag yienj lai cungj lai yiengh haenx, yinx ndaej haujlai bouxhek daeuj yawjngonz. Dasinh Yen miz Cuengh、Yauz、Myauz、Suij daengj saujsu minzcuz comzyouq, ndawde gyauejvunz Bouxcuengh daengz 98%. Gaen geij bi neix daeuj, aen yienh neix giethab lijyouz swhyenz, haeujlaeg vatcimh saujsu minzcuz vwnzva yenzsu, doicaenh hwnjguh aen yienh okmingz lijyouz daegsaek.

(Cinz Civanj/覃志婉)

Liujcouh Si Banh “Boi Minzcuz Doxgiet” Saujsu Minzcuz Vwnzyi Comzyienj

柳州市举办“民族团结杯”少数民族文艺汇演

8 nyied 10 hauh banhaemh, “boi minzcuz doxgiet” saujsu minzcuz vwnzyi yienjok youz Liujcouh Si Minzcunghveij cawjbanh, Liujcouh Si Gvangjbo Densidaiz ciepbanh haenx, youq Liujcouh Si Gvangjbo Densidaiz banh, 15 aen cezmuuz vwnzyi gig miz fungcingz minzcuz daj 6 yienh 4 singzgih senj haenx hwnjdaiz yienjok.

Aen yienh neix vwnzva minzcuz lai yiengh, goekdaej naekna. Fwen Bouxcuengh、foux Yauzcuz、ciet Myauzcuz, ndaej haenx baenz gij ceiq ndei minzcuz vwnzva aen si neix. Vwnzva minzcuz

fungfouq lai yiengh dwg gijndei youqgaenj gizdieg minzcuz gyavaiq hwngfat, rengzrwd dwk daiqdoengh daengx si saujsu minzcuz caeuq gizdieg saujsu minzcuz ginghei ndawbiengz hwngfat.

Baez neix, banh daengx si saujsu minzcuz vwnzyi comzyienj, doiq cungfaen baijyienj gij cingsaenz yienghsiengq vunz-lai gak cuz daengx si, saenqhwnj cingsaenz minzcuz, demgiengz gij mingzdaeuzgamj caeuq miznajgamj minzcuz, coicaenh gak minzcuz doxgyau、doxgiet caeuq doxhuz doxndei, miz yihi youqgaenj.

(Yenz Cunzyinh/颜纯欣)



◀ Bouxyienj biujyienj boq aen-venz.